



Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 10. Pravilnika o javnim nabavkama broj 08-02-2-3567-1/2024 od 25.09.2024. godine, na preporuku Komisije za javne nabavke od 27.04.2026. godine, direktorica Sekretarijata Visokog sudskog i tužilačkog vijeća Bosne i Hercegovine, donosi

ODLUKU **o izboru najpovoljnijeg ponuđača**

Član 1.

(Predmet odluke)

Ugovor o nabavci roba, LOT 1 – Benzin, se dodjeljuje ponuđaču **HIFA-PETROL d.o.o. Sarajevo**, za ponuđenu ukupnu vrijednost 17.388,00 KM bez PDV-a.

Član 2.

(Kriterijum za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom otvorenom postupku (okvirni sporazum sa jednim dobavljačem).

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijumima utvrđenim u obavještenju o nabavci i Tenderskoj dokumentaciji broj 05-16-4-1429-2/26 od 30.03.2026. godine.

Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u Tenderskoj dokumentaciji.

Obrazloženje

Postupak javne nabavke proveden je putem otvorenog postupka. Obavještenje o nabavci broj 172-1-1-99-3-37/26 objavljeno je 30.03.2026. godine u sistemu „E-nabavke“. Primljene su ponude ponuđača HOLDINA d.o.o. Sarajevo i HIFA-PETROL d.o.o. Sarajevo.

Komisija za nabavke imenovana Rješenjem broj 05-16-4-467-1/2026 od 26.01.2026. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-1429-14/26 od 27.04.2026. godine (u daljem tekstu: Zapisnik) je u prilogu ove odluke), i utvrdila sljedeće:

Ponuda ponuđača HOLDINA d.o.o. Sarajevo se odbacuje jer ponuđač nije ispunio zahtjeve iz tenderske dokumentacije, broj 05-16-4-1429-2/26 od 30.03.2026. godine (u daljem tekstu: TD), a u skladu sa članom 68. stav (4) tačka i) Zakona o javnim nabavkama (u daljem tekstu: Zakon).

Ugovorni organ je tačkom 6.1.1. TD, podtačka f) definisao da ponuda ponuđača mora sadržavati:

Dokument kojim se dokazuje da je cijena ponude odobrena od strane nadležnog ministarstva / organa, i / ili da je važeća na dan predaje ponude:

- Dokumenti kojima se dokazuje važeća cijena ponuđenog goriva su kopije Obrazaca o promjeni cijena i marži u maloprodaji, za svako ponuđeno mjesto isporuke u Federaciji Bosne i Hercegovine, izdate od strane nadležnog ministarstva / organa, koje moraju biti ovjerene i potpisane od strane ponuđača.
Ugovorni organ zadržava pravo provjere tačnosti cijene za svako ponuđeno mjesto isporuke kod nadležnog ministarstva / organa;
- Dokumenti kojima se dokazuje važeća cijena ponuđenog goriva su kopije Obavijesti o cijenama naftnih derivata, za svako ponuđeno mjesto isporuke u Republici Srpskoj, dostavljeni nadležnom ministarstvu / organu, koji moraju biti ovjereni i potpisani od strane ponuđača.

Ponuđač HOLDINA d.o.o. Sarajevo je u svojoj Ponudi broj 012/40005515/03-04-26/219 od 07.04.2026. godine (u daljem tekstu: Ponuda HOLDINA), u svrhu ispunjavanja uslova iz tačke 6.1.1. podtačka f), dostavio sljedeće dokaze:

- Obrazac o dostavi obavještenja o promjeni cijena i marži broj 14314/2026 izdata od Federalnog ministarstva trgovine FBiH, ovjerena i potpisana od strane HOLDINA d.o.o. Sarajevo, za mjesto isporuke u Sarajevu, benzinska stanica Stup;
- Obrazac o dostavi obavještenja o promjeni cijena i marži broj 14012/2026 izdata od Federalnog ministarstva trgovine FBiH, ovjerena i potpisana od strane HOLDINA d.o.o. Sarajevo, za mjesto isporuke u Tuzli, benzinska stanica Tuzla – solana;
- Obrazac o dostavi obavještenja o promjeni cijena i marži broj 12635/2026 izdata od Federalnog ministarstva trgovine FBiH, ovjerena i potpisana od strane HOLDINA d.o.o. Sarajevo, za mjesto isporuke u Bihaću, benzinska stanica Bihać;
- Obrazac o dostavi obavještenja o promjeni cijena i marži broj 12631/2026 izdata od Federalnog ministarstva trgovine FBiH, ovjerena i potpisana od strane HOLDINA d.o.o. Sarajevo, za mjesto isporuke na putnom pravcu Lašva – Travnik E661, benzinska stanica Travnik;
- Obrazac o dostavi obavještenja o promjeni cijena i marži broj 15673/2026 izdata od Federalnog ministarstva trgovine FBiH, ovjerena i potpisana od strane HOLDINA d.o.o. Sarajevo, za mjesto isporuke na putnom pravcu Jablanica – Mostar E73, benzinska stanica Sutina;
- Izjavu o važećoj cijeni na nominovanoj benzinskoj stanici u RS, ovjerenu i potpisanu od strane HOLDINA d.o.o. Sarajevo u kojoj se navodi da je za mjesto isporuke u Banja Luci nominovana benzinska stanica Srpske Toplice podugovarača Nestro Petrol. U navedenoj izjavi je navedeno da kao dokaz važeće cijene ponuđač HOLDINA d.o.o. Sarajevo dostavlja kopiju fiskalnog računa broj 4014884 od 07.04.2026. godine. Navedena kopija fiskalnog računa je potpisana i ovjerena od strane HOLDINA d.o.o. Sarajevo.

Ponuda HOLDINA je nepravilna iz razloga što dostavljeni dokument kojim se dokazuje važeća cijena ponuđenog mjesta isporuke u Republici Srpskoj – Banja Luka nije u skladu sa zahtjevom iz tačke 6.1.1. TD.

Naime, Pravilnikom o obliku obrasca i sadržaju podataka o trgovini, trgovinskoj mreži, cijenama, promjeni cijena robe i usluga, zalihama i marži („Sl. glasnik RS“, br. 48/20 i 50/23) (u daljem tekstu: Pravilnik), tačnije članom 3. propisana je obaveza trgovaca naftnih derivata da Ministarstvu trgovine i turizma Republike Srpske (u daljem tekstu: Ministarstvo) dostave obavijesti o cijenama i promjeni cijena naftnih derivata na tačno propisanom obrascu utvrđenom Pravilnikom.

Pregledom Ponude HOLDINA Komisija za nabavke je konstatovala da je ponuđač HOLDINA d.o.o. Sarajevo za mjesto isporuke u Republici Srpskoj – Banja Luka, dostavio pored izjave i kopiju fiskalnog računa broj 4014884 od 07.04.2026. godine, što nije dokument koji je izdat od nadležnog ministarstva na teritoriji Republike Srpske, te je dostavljeni dokaz za ponuđeno mjesto isporuke u Republici Srpskoj od strane Komisije za nabavke ocijenjen neprihvatljivim.

U skladu sa prethodno navedenim, a na osnovu utvrđenog činjeničnog stanja, Komisija za nabavke je ocijenila Ponudu HOLDINA nepravilnom.

Opreza radi, tačkom 9.2. TD ugovorni organ je u skladu sa Zakonom o javnim nabavkama, ponuđačima omogućio da putem sistema E-nabavke dostave svoje zahtjeve za pojašnjenje TD, pa i u dijelu zahtjevanih dokaza iz tačke 6.1.1 TD, što ponuđač HOLDINA d.o.o. Sarajevo nije učinio.

Ponuda ponuđača HIFA-PETROL d.o.o. Sarajevo je ocijenjena kao prihvatljiva, budući da je u skladu sa uslovima iz TD i u okviru budžeta planiranog za predmetnu nabavku.

Ugovorni organ je otvorenim postupkom predvidio primjenu e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23).

Obzirom da je primljena samo jedna prihvatljiva ponuda nije bilo moguće provesti e-aukciju a u skladu sa članom 4. stav (2) navedenog pravilnika.

Komisija je uputila preporuku direktorici Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **HIFA-PETROL d.o.o. Sarajevo**.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjeka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Broj: 05-16-4-1429-16/26

Datum: 28.04.2026 godine


Direktorica Sekretarijata
Ivana Zovko - Planinić

Dostavljeno:

- Ponuđačima,
- Odjelu za finansije i računovodstvo.